

列

朝

詩

集

列朝詩集

甲集第十七

錢博士宰 六十首

沈徵士夢麟 五首

劉布衣永之 四首

錙徵士仔肩 八首

貢貞晦悅 五首

錙山長渙 一十五首

藍布衣仁 三十五首

童校書冀 八首

鮑徵士恂 六首

烏永新斯道 九首

鄭貞弇淵 四首

葉主簿子奇 三十一首

許訓導繼 三十首

胡教授奎 六首

管長史訥 一十五首

顧教授祿 六首

貝紀善翔 五首

王編修翰 一十五首

王崇慶佑 一首

趙博士俶 一首

錢博士宰

公字子予一字伯均會稽人吳越武肅王十四世孫也至正間中甲科親
老不赴公車教授於鄉唐之澤韓宜可皆出其門國初以明經徵修禮樂

書尋以病歸洪武六年授國子助教上疏乞歸二十三年召爲會試考官
二十七年又召校書翰林命作金陵形勝論歷代帝王廟樂章皆稱旨是
時老儒凋謝與學士鏞三吾並承眷倚每進見必賜坐待食年免蓋再三
乞骸骨加博士賜勅致仕遣行人護歸子尚綱字允裳舉洪武首科鄉試
主新城簿以文行稱公嘗早朝口占絕句云四鼓夔夔起着衣午門朝見
尚嫌遲何時得遂田園樂睡到人間飯熟時明日文華燕畢 上面論曰
昨日好詩朕曷嘗嫌汝何不改憂字又曰朕今放汝去好放心熟睡矣公
率諸老人拜謝皆遣還公自叙臨安集云先世自文偉公與其從昆弟祕
監昆內翰易侍讀藻咸出入詞林世以文承家顧惟不肖固陋勉置身文
字間自成均致事歸間緝舊業或得以不墜前人之緒耳吾錢氏自樞密
公纂集宗門歌詩自武肅王以下駟馬錦樓之什曰吳越錢氏傳芳集族
子仙芝又撰後集五卷宋綬爲序國朝則自澹軒先生博士以下凡三十
九人

擬古

出門萬里別行行遠防邊相望各天末北斗日夜躔四運秋復春不見君

子還燕車北其轍越馬南其轍目遠心愈近悵望徒懸懸黃雲暗閉塞路
險不見天式微夫如何日月忽已遷願言崇明德無爲終棄捐

右擬行行重行行 序曰行行重行行賢者不得於君而作狀但
祝之以努力加餐而已今擬曰願言崇明德無爲終棄捐庶幾有
規諫之義焉

高臺何巍巍參差與雲平玉繩臨雙闕長河流無聲上有羽衣人逍遙吹
玉笙清響涵明月飛佩何泠泠借問弄者誰疑是董雙成逸思隨風發無
人識其殷曲終再三歎感慨有餘情所悲同門友局促超世榮願將秋水
劍爲之解塵纓笑呼雙黃鶴與子俱遠征

右擬西北有高樓

涉海采琅玕紅者珊瑚枝明珠盈懷袖將以遺所思海濶不得返所寶莫
致之爛其納我室抱璞將何爲

右擬涉江采芙蓉

皎皎明月光照我屋東頭寒蟬鳴樹閒招搖指孟秋白露下高梧落葉殷
颼颼寒溫更變遷河漢東南流懷哉里中兒奮志起遠遊飄然邈長風乘

槎犯斗牛支棧織女石爲問今在不水深波濤濶浮名將焉求

右擬明月皎夜光

青青梧桐樹托根在高岡與子新合歡翕如鳳與皇鳳皇鳴鏘鏘合歡期
世昌歡情一何短離思一何長嗟彼籬下菊含英揚其芳晨霜秉貞節寧
隨秋草黃終當採而佩歲晏夫何傷

右擬冉冉孤生竹

中林多幽蘭江離雜芳蓀采之酌春酒將以清心魂持杯未及飲悵然念
王孫王孫不歸來置酒在芳尊

右擬庭中有奇樹

河東有織女皎皎雲爲章手弄機上絲日夕更七襄織成五色文欲製君
子裳莫言隔秋水可以駕飛梁睨彼牽牛星終日不服箱

右擬迢迢牽牛星

故人萬里別海水日夜深南風海上來遺我雙南金不見故人面乃見故
人心鑄作黃金徽置之白玉琴彈爲別鶴操間以懷湘吟曲終聽者稀矯
首望知音

右儼客從遠方來

儼古

庭樹日已黃白髮日已短
候蟲鳴前除秋霜蕙花晚
歲月如奔駒六轡不可挽
泛舟涉方瀛方瀛水清淺
安期邈難求吾棹亦已返
花開醉復斟黍熟飢自飯
適狀樂悟生瑤島諒不遠

過城南田舍

鷄鳴大星沒攬衣出衡宇
開門走狗先巷白行人語
零露濯冲襟殘月澹幽墅
冷然巨氣清逍遙散塵緒
人生天壤間俯仰成今古
且復畊我田商歌更何補

過釣臺

濺濺桐江瀨白石粲如語
上有子陵臺下瞰富春渚
高崖薄曾雲黃艸沒荒墅
俛懷漢中興四海歸寰宇
徵書詔遺逸長揖觀當宁
咄咄吾子陵而竟不下汝
握手道故交言還謝明星
文麗中天風節起下土悠
然釣澤中高風永終古

分題賦載酒亭送友人之四川

大江發巴蜀岷峨蔚嶢嶢子雲性佚蕩逸氣相扶搖洒翰騁雄辭凌雲何
飄飄終焉歛其華組麗不足驕覃思著玄文斟酌傲繇父闕言極幽微蘇
絡天地交豈無好事者載酒與遊遨胡爲事黃門投閣竟蕭條龍蛇不知
藏蝦蟇亦見嘲天獨昌其文炳如日星昭子行登斯亭英爽或可招謂我
欲問奇峽水阻且遙

題雪獵圖

胡兒善騎射出獵古戰場白雪日夜飛蕭蕭朔風涼黃草蔽沙磧馬肥弓
力强小隊出漠南十騎如龍驤前驅逐猛虎後騎接飛鞚翻身激羽箭疊
中兩羚羊玄熊何前却猛氣亦跳梁南行顧長戟北走脫飛鎗臨鏖愈奮
捷性命不得將自謂足馳騁意气何揚揚寧思漢廷將英勇際武皇去年
出雲中置郡定朔方今年戰高關夜圍右賢王小勇何足矜萬里開邊疆

游西山

西山一何高有懷在泉石蕩舟渡西泠秋水今兌尺渚花泊雙槳岸艸納
雙展涼風樹上至林影下衣碧羣動方自營塵襟念俱息邂逅方外人招
邀坐深席悠然外死生矧復慨今昔我客語正深僕夫勸還役川明月初

至樹暗山已夕
啼人熊唱來落日墮西壁

兵退後作

朔風號枯枝
長夜何漫漫
微月出復沒
零露淒以溥
露溥不足悲
嚴霜爲之采
飢鳥下叢薄
猛虎鳴其間
鬼燈照虛館
落葉何珊珊
蕭蕭遠征人
載歌行路難
我心增慘戚
豈不思東還
欲濟川無梁
中道多阻艱
弱子病且死
老妻方憂患
明將登前途
念我衣裳單
斧冰汲澗水
采薪事朝餐
慨彼下泉詩
悠哉起長歎

泛舟新湖塘次王敬助韻

二首

清賞各有適
何異同登攀
君舟泊西隩
我車上東山
林光變宿雨
溪響迴晴瀾
春深飛花歇
日入好鳥還
佳景欣所得
母令清興殘
俯看縱壑魚
仰見培風翰
物理固有待
努力當希顏
胡爲念窮達
戚戚天壤間

湖水日已綠
理棹不可緩
雜花當晝翻
遠樹出雲短
沙明宿雨霽
風急游絲斷
悠悠歡賞涼
歷歷佳趣滿
酒盡客愁生
歌殘離思遠
世路方險巇
窮居正蕭散
出處諒何心
夕陽起樵管

城南燕集得作字

閉門度芳辰念此風雨惡今日忽復晴青郊縱行樂引杖聽鶯啼持杯看
花落庭綠樹陰交春容已非昨微酣愛酒清放歌悲髮白茫茫師旅間擾
擾烟塵隔夙昔愧栖遲于今喜離索明朝溪上田買牛事東作

白野太守游賀監故居得水字

崇岡散新陽寒日舒短晷晴曦一披拂波影上沙尾意行遂忘疲情語相
慰喜賜宅知己非歸舟更誰艤樹暗山始夕川明月初至停杯成慨歎覓
句聊徙倚前林樵唱來驚鴻下寒水

早春寄鄉中友人

故園花發春又來碧桃半拆棠梨開流鶯踏花酒落杯花飛落酒相縈迴
酒酣起舞落日晚應念長安人未回江上舟幾時發拍手醉唱歸去來笑
摘花枝簪白髮

雲中兩烈婦

竹貞鎮雲中縱游兵掠鄉鄰張思孝妻華氏偕子婦劉罵賊死之作雲中

兩烈婦

雲中兩烈婦風節何雄哉婦姑誓同死軍馬條已來姑言我死命之遭爾

方年少不得逃欲自經不得索欲
兒當激賊怒婦姑頭共斫姑如湛
張放弦氣愈雄厲聲奮激膺賊鋒

自刎不得刀少婦潛致詞不用刀與索
盧劔罵賊獵獵生剛風婦如黃閭弩蹶
萬古雙烈夸雲中

題藩王出獵圖

燕山八月秋草黃秋高馬肥弓力
西風獵獵邊城戍山隊旌旗打圍
金羈朱纓玉腕騮紫貂兜鍪銀鼠
猛士先驅仗金鉞胡笳一鼓鼓齊
黃須健兒勇且驍虎紋交鞞懸在
馬上雙鶻馳獻捷凱歌向王王擊
穹廬張天落日黃醉擁婵娟馬前
雪中豪傑人尺軀昔何勇銳今何
題趙仲庸鏡湖圖為洽上人作

強藩王朝辭詐馬宴羽獵不敢齊長楊
去英姿颯爽思奮揚面如玉盤身玉樹
裘燕姬如花向前騎從官錯列秋雲浮
咽驄駒並載雙歇歇驕海青翻臂思超越
腰翻身控絃響若掣一箭射落雙飛雕
節金杯進酒飯黃羊馬潼淋漓手新振
欸百年富貴空畫圖桑田茫茫海水枯
愚悲風蕭蕭渺絕漠漠南千里王庭無

趙侯胷中有泉石白髮垂顛人不
當年王宰浪得名十日五日勞經

識丹青不寫四十年一見洽師雙眼碧
管天稅到時一揮洒白雲顛倒秋波明

秋波在屋下白雲在屋上香爐秦望天東南蒼巒翠嶽森相向三山落日
烟水賒秋風舊宅今荷花斷垣蒼石無路入至令人說放翁家放翁家渺
何處阿師出家不歸公不惜千金買畫幅笑倚清江看雲樹

長江鬻雪圖

昔年壯游下江漢霽雪千峰排兩岸今年看畫憶舊游萬里江山入清詭
岷峨嶺脊來蜿蜒青城一峰高插天東馳衡山走千里匡廬五老下與石
城北固遙相連冰巒雪壑互起伏照見日華破初旭神光混茫元氣浮奮
如巨鼇簸坤軸爛如秋空雲浩如滄海濤又如瑤臺銀闕天上頭皎皎白
月空秋毫回光下照中流水風吹河漢銀雲起中流空濶不勝寒一洗丹
碧秋漫漫山川歷歷真偉觀來往十季游未半不如雲瀛樓上來倚欄一
日看遍江南山

題俞景山画山水帳

老夫索居江上樓廿年不出懷舊游扣門下樓出迎客但見絕空風颼颼
岱宗日觀山上頭日出未出蒼烟浮嵩高插天太華碧蛾眉青城翠欲流
匡廬老泉掛白石蒼梧水落湘江秋懸崖倚天萬山立翔鸞舞鳳啼蒼虬

幽岑遠樹互出沒白雲不散松風收松根老樵列四五招我共入青林幽
平生游歷走不遍千里萬里窮遐搜如何一日墮我前空翠雜香來雙眸
舉頭問客何因入此境迺是手持圖畫來滄洲俞君作畫時雅有山林癖
朝登望秦山萬壑千岩淨橫臆暮上香爐峰海色秋清上遙碧歸來放筆
作董元筆底丹青浩無跡海桑一別三千年山月江風耿相憶仰觀岩上
泉俯看松下石故人不見空回圖十幅雲烟捲還客

題回梅和王山農韻

江南春來白雪爛落月橫參夜將半綺衣綽約如故人踏屣黎雲歛老幹
北風獵獵天正寒彷彿風節凭西闌迺知山人竟不死夜煮白石青松間
高情抗世無今昔溪上梅花沒荒棘憶曾揮翰洒溪雲一枝寄與春消息
花前喚酒寫長歌花下呼兒掃落花若非揚州何遜宅定是西湖處士家
山人愛梅心獨笑爾豪吟玉堂樹山巔水際日看花鳳詔鸞書招不去
解衣盤礴兩袖垂腕指所至皆天機南枝著花玉色起北枝凍壓玄霜飛
自從上苑成塵土無復當年舊歌舞源上桃花不記秦九畹芳蘭已忘楚
不如山人臥雲松破屋長在梅花東傳家有子花作譜放手直欲先春風

見花如見山人面誰道人間亡是公

王袁石梅花一枝系以長歌幾四十年矣俛仰今昔有懷故人因次韻于后但顛倒縱橫不倫不理不能不爲韻所牽也觀者必發一笑

秦淮晚泊

秦淮酒家來泊船鱸魚一斤三百錢船頭買魚酒新熟却憶耶溪歌採蓮醉來起舞落日晚揮手彈鉞風冷然少年不作長安客老去逢秋頭雪白興周須求渭水才安漢園公安在哉眼花齒折竟何益好放陶潛歸去來

梧桐樹

梧桐樹一葉墮秋風一葉委秋露明年二月新葉生還在今年葉飛處漢宮飛鸞近承恩零落班姬不如故君不見梧桐樹

瓜洲夜泊

旅夜瓜洲泊秋懷浩欲沈星河與海合江漢入吳深天塹無南北川流自古今隔花漁唱起千里故園心

秋望

一雁下荒濤隣秋急暮砧落風吹病骨江月照歸心把酒招征棹看花笑

腕簪有懷兮未得黃葉墮疎林

長江偉觀圖

第一江山獨凭闌秋風斷石倚江關兩峰並立星河上一水中流天地間
海日東生月西沒官船北去客南還莫愁白髮搔來短酒落金盃人醉顏

分題賦鏡湖送張用中

鏡湖白波木葉稀涼風蕭蕭入客衣季真賜宅已無主太白酒船空棹歸
野色驚秋鴻雁下水聲吹雨鯉魚飛此時張翰吳中去雲鎖稽山失翠微

題趙仲穆秋山圖

人家水檻接山窗好在江南山水邦兩岸雲林皆落日一天鳧雁共秋江
屋頭數遍青巒九松下吟成白石雙野服何人正蕭散泊船歸醉酒盈缸

題羅稚雲林秋晚

崢嶸列岫白雲西江上晴林直與齊落日欲分山上下秋聲不隔樹高低
潯陽舊宅陶潛任天際歸舟謝朓題我亦愛君泉石好攜家便擬結幽棲

題王煇石推蓬圖

粲粲晴林截素霓夢回何處覓新題畫簷壓檻江南屋短檝推蓬雪後溪

落月欲分花上下春風不隔樹高低何當一見冰霜表放筆孤山烟水西

送朱叔英還維揚

策策西風木葉稀故鄉何處雁南飛岷峨萬里秋江落淮海維揚獨客歸
鐵甕待潮催曉渡金盤壓酒浣征衣高樓明月如相憶一髮秦稽鎖翠微

題崔彥輝雲林小隱

霄上平林半是雲索居別墅樂閑身蘋花落日江南唱楊柳滄灣若下春
隔岸青山連卷画當門綠樹接比鄰外家第宅相過近內翰風流世有人

夜泊西江

綠樹如韋曲澄江似謝家暖雲巢燕子清露溼梨花

春日閒居

霽日簷牙落光風瓦上生草晴跳蚱蜢花暖困猓狂

題画菜二首

綠酒交春熟燈花入夜開兩畦堪小摘不見故人來
今日荷鋤倦嘉蔬沒四垣客來春酒綠風雨夜開閉

秋江晚渡

落日歸棹緩滄江秋思加雙鱗上荷葉一鴈下蘋花

牧牛圖

野老春畊歇溪兒晚牧過夕陽牛背角強似飯牛歌

採菱曲

四首

綠柳橫塘曲滄灣是妾家菱歌不解唱秋水照荷花
落日浣紗渚菱歌唱晚風解衣濯秋水乘月採芙蓉
溪上採蓮女秋波照晚粧心如蓮子苦情似藕絲長
荷葉初爲佩芙蓉緝作裳妾心花下藕節節是秋霜

題翎毛小景

紅子秋樹老黃花晚節寒幽禽雙白頰托爾一枝安

春深卽景

露梢黃鳥啄來禽蛙葉青垂絡石陰又是綠堦春雨歇滿庭芳艸落花深

題牡丹仕女圖

樂府梨園曲慢裁內家新奏牡丹閒下堦立得花陰轉李白承宣詔未來

題野老醉騎牛圖

村田樂事老來稀，記得江南春社時。兒女醉扶黃犢背，帽簷顛倒插花枝。

題高房山画

房山在金陵，作此画寄歐虞二學士。二公皆留題其上。

尚書好画江南住，寄與題詩兩翰林。千古高情俱妙絕，至今春樹暮雲深。

題秦淮送別圖

綠酒斟來且莫斟，酒闌歌罷去駸駸。別懷恰似秦淮水，流到長江綠更深。

画魚

綠波春水没漁家，楊柳青青拂釣槎。三月江南春雨歇，一雙鯉鮒上桃花。

題林處士觀梅圖

放鶴仙人不可招，斷河殘月夜關簫。別來欲問春消息，花落西冷第二橋。

客窗聽雨

綠江烟艸渺天涯，燕子來時未到家。宿酒恰隨春夢醒，雨聲落盡碧桃花。

題李伯時仕女圖

霜落黃梧漢月高，西窗對月剪征袍。妾心不憶交河冷，手冷難裁金剪刀。

月下裁衣

海棠半折銀燭輝春愁且莫剪春衣下階立得花陰沒如此月明人未歸
花前獨立

梨花落月酒微酣柳絮春雲睡正堪夢入長安啼未得覺來不信是江南
春屏未起

画嬾

江上尊鱸不用思秋風吹破綠荷衣何妨夜壓黃花酒笑擘霜螯紫鱖肥
集外詩一首

題趙仲穆彥徵画馬

驄馬連錢新鑿蹄絡頭羈帶任官奚來從月窟真無價進入天閑不敢嘶
雨露九重思翼北風塵千里下淮西解鞍知在休兵後楊柳平河春草齊

沈徵士夢麟

夢麟字原昭湖州人博通羣經尤邃于易元季應進士舉棄去隱居華溪
之濱洪武二十三年上聞其經學聘爲京闈考官辭歸年九十三卒原
昭爲趙文敏姻家傳其詩法時稱沈八句

訪陳敏道不值

不憚風波兩日程孤舟聊繫故人情菊花與我爲賓主醴酒從人結弟兄
秋穀已銷吳甸雨寒潮不上闔閭城白頭欲掣烏啼曲付與漁郎短笛聲

和邵山人過字韻二首

吳松東去羣鴻散蒼霄西來一舸過池上屢陪山簡醉座中曾聽薛華歌
中年鄉國黃塵合長夏江村綠樹多擬與賀公同結伴黃冠野服晚婆娑
亂後還家如旅泊愁中黃酒喜人過每吟栗里停雲句不作南山種豆歌
故宅東風歸燕靜孤村夜雨落花多白頭却憶觀光日曾賦神明與馭娑
九日過姚廷暉隱居

病起扶衰上釣槎乘流直到故人家一秋止酒樽無綠九日開園菊未花
海氣通潮生白霧天風如水洒烏紗歸來落葉多如雨欲寄新詩日已斜
趙待制席上

春城飛絮日顛狂簾幙風微燕子忙醉後不知羅袖游牡丹花上月如霜
劉布衣永之

永之字仲修清江人治春秋學詩文清麗古雅爲當時所重工書法篆楷
行草皆有師承家富子貲賒貸施數郡仲修獨泊然布素日靜處一室以

書籍翰墨自娛客至不爲盛饌酒數行論文賦詩焚香鳴琴而已家
嘗一留意非逢拔士未嘗一接言笑也始仲修旣冠未知學因過婦家
郡練伯升爲友婿蚤有文譽婦翁特異視之而庸衆人遇仲修旣歸憤
就學日夜不懈數年學大進時譽更出伯升右有山陰集楊東里述之如此

感遇

腐鼠嚇鷄雖魚目欺明珠由來青雲士高視笑泥塗廣途馳駿馬長戟夾
高車光榮被九族氣燄陵萬夫祗言固恩寵豈悟有榮枯菴苑生朱門鵬
鳥瞰賓除徒聞黃犬嘆千載爲鸞吁回眦楊子雲獨守太玄書

擬古

南國有佳人秀色麗春陽素手弄機杼織綺向蘭房涼宵步玉階羅襪沾
微霜坐愁容華歇中宵理絲簧鳳笙慵未徹瑤瑟怨何長哀響激林木回
音運華堂借問此何曲新聲奏官商東鄰有遊子聞之感中腸願持五雜
組繫君羅襦裳攜手共遊衍卒歲以翱翔中情莫自致脉脉懷內傷

哇樂園

郭南抱甕者久與世情疎砌長龍鬚草林開燕尾渠韉驢花下轉蒿苳雨

中鉏蔗熟能相寄酬 若蕪葉書

寄梁孟敬

孤山之陽隱者宅 日午隔溪聞讀書 時有門生陳八簋 昨從家僕致雙魚
石門雨過篔簹濕 蕪戶秋深薜荔疎 已約暮春攜稚子 詠歸沂上曳輕裾

劉徵士仔肩

劉仔肩字汝弼鄱陽人 陶安守饒州薦汝弼文行 應召至京師 洪武三年
集一時名公卿詩曰 雅頌正音宋景濂 張孟兼爲之序

登北山

薄言出東郭 縱步陟北嶺 油雲冒峯嶸 寒松雜脩挺 林翳景若冥 谿迴路
猶引崇基擬 素志澄淵鑑 清影遵險既 易常臨深亦 逾謹朋遊並 登眺妙
趣心獨領 寄想烟霞濱 超然欲歸隱

春日與李二文學游城南

浩蕩關河遠 周流歲月新 獨醒愁對酒 多病怕逢春 楊柳南城路 鬱花紫
陌塵 若爲聯騎出 爲爾謫仙人

公子

玉雪諸公子聯袂出鳳城柳橫絲障綠花擁繡衣明玉勒迴香騎金丸落
小鸞晚酣邀上客歌吹向蓬瀛

別墅晚晴與鄰叟久立

郊原初雨歇散步出荆扉落日在高樹涼風生客衣佛香僧舍近江影塞
鴻飛亦有南隣叟忘言相與歸

夜讌

上相勳庸盛羈人會合難昔曾陪劔戟今乃廁衣冠酒向佳人醉花隨錦
障看篆香瑤鴨換銀甲小箏彈內屋開新色重簾護薄寒盲看呈海陸妙
舞播椒蘭賢達儕梁北才華擬建安任情從容狎劇飲樂杯乾門第青春
迥星河五夜關端鞍拂華薄零露已溥溥

春曉曲

紫絲複帳流蘇結雲母屏風疊香雪門前嬌柳乳鴉啼暖漏了丁曉將徹
花枝入簾紅尚小蘭露着衣香不歇江南行客歸未歸芳草春風滿城闕
荆南江晚眺有感

沙頭寂寂晚維舟詞客重來感舊游江上夕陽諸葛廟雨中芳草仲宣樓

天連錦水來春色雲暗襄陵起暮愁回首可憐梁甫意一官牢落向南州

望闕口號

闔闔排雲寶殿開千官鷄鷺早朝回不知誰獻王褒頌得奉君王萬壽杯

貢貞晦悅

悅初名性之字友初世家宣城之南湖因號南湖先生元季爲閩省理官
國初隱居越之山陰更名悅從兄弟仕於朝迎歸金陵宣城俱不往遂終
于越門人私謚貞晦先生一女適維陽錫渙

登越王臺次任一初韻

芙蓉城郭自天開形勢盤回亦壯哉風作鳴潮吹雨散山如走馬渡江來
王圖霸業今何在越寺吳宮莫漫哀此日明年各何處更須扶醉一登臺
重過姑蘇有感

昔客蘇臺鬢未霜不知塵世有悲傷聯詩刻燭過三鼓一月看花醉幾場
紅袖舞殘歌緩緩錦箏彈罷雁行行重來底用嗟興廢亦有咸陽與洛陽
約遊山阻門

春事無多苦未晴數來花信過清明都將酒債兼詩債付與風聲共雨聲

燕落香泥沾紙重蝶翻飛絮入簾輕懷人久負南山約縱有西日不可行
画蓮

吳王宮殿水流香步屣廊深暑氣涼長日香風吹不斷藕花多處浴鴛鴦
画馬

天開牽出自笑官飲罷春流未解鞍記得曾陪仙仗立五雲深處隔花看
鑑山長湫

渙字彥亨號石田世家雒陽後爲越人通毛氏詩至正間御史與林薦爲
三茅書院山長道梗不赴老以詩酒自娛子績孫師邵皆有方名

春城曲

柳花吹雪香滿簾南園草烟迷綠纖素紗軟屏隔春夢金翠眉心團小鳳
指怯調笙學鶯語度曲不成臆酸楚却把巫山一段雲剪作春衫寄人去
東鄰郎君馬如雪青錦短鞵裁杏葉背人騎過爲誰羞銀黃小袍醉眼纈
花貌越娘秋髻薄蛾眉學画初三月

青樓怨

錦樓花霧颺綠塵芙蓉屏深凝淺春微酣着人嬌欲睡綵雲載夢隔湘水

雙螺小娃催理粧粉綿拂拭膏鏡光濃黛掃眉桂葉長涼露濯手薔薇香
家本石城南市住早年悔作青樓倡十八梳成金翅髻青虫簪滑鴉背膩
歌聲遶梁揭塵起細箏咽秋風鶯語翠綃舞衣珠珮結研金天鵝銀蛺蝶
神女騎龍別楚宮巫雲蜀雨隨峽風別離何多歡樂少牛女隔河怨秋老
黃衫少年下樓去馬蹄隆隆浩無主

張榷翁自鳳陽還錢唐賦此以寄

一別于今又五年關河風雨夢相牽羨君老有驚人術愧我貧無使鬼錢
淮鴈南來斜作字楚江東下直如弦子雲罷獻長楊賦頭白歸來草太玄
秋晚溪行懷張孔叔

松下涼風吹客衣隔溪烟樹晚依依山空不見孤雲返落日唯看倦鳥歸
世上黃金交態薄酒邊白髮故人稀別來陡覺成疎濶况復蕭蕭落葉飛
送王廷桂還姑蘇

紫馬嬌嘶踏軟沙關闌城裏客還家雨添秋水灣灣碧風趁江雲片片斜
惜別緩斟紅麴酒傷心况對白蘋花雁驚莫角高飛去先帶離聲過館娃

初夏卽事

野色滿庭戶，畫涼清景佳。一雙白練帶，飛上石榴花。

偶成二首

雪色西蕃馬，臨流顧影嘶。似嫌金絡重，蹴碎落花泥。
舞女花前過，輕如小燕飛。教坊新結束，翠羽織春衣。

春日漫興

莫道梨花瘦，楊花更可憐。隨風消雨恨，摠在客窗前。

絕句

白玉搔頭金步搖，春衫紅勝海棠嬌。只因記得當年事，重到桃花第四橋。

髮薄鬆鬆綠霧涼，春風額點麝香黃。肯人撲得雙蝴蝶，滿扇薔薇露水香。

清明前一日作

小窗新綠着枝輕，寒逐東風陣陣生。燕子不來花落盡，一簾疎雨又清明。

柳花

雪點顛狂亂送春，穿簾透幙苦相親。年年三月西陵渡，愁殺輕舟度水人。

小游仙詞

玉京侍宴返瑤池，西母金輿九鳳幃。小隊旌幢三十六，龍聲馬影隔雲飛。

秋蝶

欲欺還休却又飛芙蓉葉底戀秋暉自知翅粉渾銷盡羞近尊前舞女衣

藍布衣仁

仁字靜之崇安人元末杜清碧隱居武夷崇尚古學仁與其弟智俱往師焉授以四明任松卿詩法遂謝科舉一意爲詩國初內附隨例徙濠居瑯琊者數月放歸以老壽終而智以應薦起家羊城陳璉序靜之藍山詩集謂應詔官憲僉誤也

寄張雲松

關塞風塵暗山林出處難生涯謀釣艇世事笑儒冠有酒刈長醉無衣度苦寒南山有奇士扣角夜漫漫

人日偶成

七日本宜晴愁人風雨敲厨烟侵几溼簷瀑隔窗鳴楊柳翠何事梅花笑不成呼兒催酌酒一醉百憂輕

酒德東雲松

酒德宜齊聖詩狂或助神誰知同調者不是獨醒人月上爭扶路風前倒

戴巾高年當戒得未用托劉倫

擬雲松次韻

徐邈頻中聖劉倫善禱神醉鄉存古意
老景笑時人歲晚獨無裨日高猶未中
從遭長官罵或與達生倫

齒落

池艸夢難成風蟬斷又鳴衰年唯有睡
浮世自多驚暎日携書近分泉滴硯
清如何牙齒落更欲校詩名

挽空無相

避名依野老危行託狂僧蹈海非今日
尋山住上層黃龍持鈍斧雪嶠撥殘
燈自了英雄志居然契大乘

寄李孟和

同學朝冠士投簪梵日歸里中朱板少
世上白頭稀隴黍登新酒池荷足故
衣夕陽天際鳥還向北林飛

挽陳景章

禪笠頻相訪儒衣忽自謀十年勞火宅
一日脫書囚客舍黃金散隣僧白

骨收生芻何處莫孤寺亂山秋

昨日偶聞訃偏令老况哀官堂尋舊指壽穴用先栽竹逕風時掃柴門月

自來往還二十載只似夢初迴

雨中二首

淫雨仍無賴名花亦自殘林深雲久暗城晚雪猶寒問粟瓶長罄呼尊酒

已乾衰年將百慮惆悵獨凭欄燕仆多空壘鶯偃在遠林春霜晴不久社雨冷難禁妄動徵前失深藏異

此心故山栖老鶴永夜自長吟

寫懷

聚歛誇長策侵漁迹此稅直須貧到骨誰問歲無衣天地身爲累丘園道

已非衰年當絕粒何論故山薇

自用石村韻再賦

雲臥加衾鐵烟餐待桂炊十年窮戰伐數口逼寒饒潦倒棄溝壑淒涼畏

春日

繭絲桃林春色近未似放牛時

陋巷斷人行柴門不用扃衰年相酒綠春日菜盤青強飲以隣翁對長歌雅
子聽午窗閑試墨只寫相牛經

石村除夕 二首

除夕如寒食人烟禁不炊衰安誰問死方朔自啼饒野火焦良玉寒桺棄
亂絲白頭將暗眼更望太平時
風塵驚老眼丘壑保餘生閉戶交游絕開園種樹成野陰長似雨雪意又
非晴聞說朝京路泥深哭遠行

東伯穎

聞說重陽日王弘厚客情風流同酒興博雅盡詩名罵坐誰先起揮毫或
後成黃花莫相笑認誤豈平生

晚浦歸帆

估客前年去扁舟此日迴烟生全浦暉風健片帆催桂楫看將近柴門認
半開隣人携酒饌歡咲慰歸來

更愁

酒掃僮何懶迥從客亦頻年光唯老我世事更愁人官井渾三月厨烟少

四鄰門前雙柳樹午蔭偶容身

非昔

覽鏡驚毛髮殊非宿昔翁狂來詩有興愁極酒無功久病成真跛流言息
近聲朋知過相問起坐夕陽中

病起

帶緩肌如削巾欹髮半垂故人憐病起稚子咲行遲卻酒憂成醉收書老
更知滿岡梧竹盡尚想鳳棲時

寄周子冶

天地爲羅網梟鴞一死生英雄莫自悔骨相或當黥照影渾疑鬼殘形已
作兵詩書翻誤世戈甲可收名

丙寅正月三日作二首

開歲仍愁雨交春已聽雷衰容萬感集生意幾時回強飯扶斑杖巡簷看
落梅弊衣風更冷吹送雪花來
書罷迎春帖家家應節多老年難再拜佳客莫相過閉戶唯僵臥臨觴忽
放歌太平宜有待暮色欲如何

九日西莊懷弟

衰年無力遠登臨，短杖扶持叩竹扃。
雨過林間雙澗碧，雲消天際一峰青。
黃花寂寞憎詩瘦，白髮淒涼畏酒醒。
心把茱萸思骨肉，雁聲孤起夕陽汀。

秋日書懷

黃花紅樹澗西村，臥病高秋欲斷魂。
九日淒涼思弟妹，十年憂患信乾坤。
仙經未試丹砂訣，世網空添白髮根。
擬向清池窺老影，滿山風雨一川渾。

擬時事經故居

世事浮雲變換多，歸畊仍覓舊烟蓑。
城邊老屋他人住，溪上荒園此日過。
社燕已非尋主入，林鶯還是爲誰歌。
角巾喜有隣翁在，閑與庭前盼樹柯。

題六朝遺秀畬

登臨長憶鳳凰臺，六代興衰入老懷。
山色只知今日好，水聲如訴舊時哀。
天低白日浮雲合，地勝黃金與土埋。
王謝諸公吟不盡，風光留待後人來。

次雲松長山道中

入烟蕭索石田荒，茆屋低斜倚礪岡。
雪裏送租衝虎過，雨中乏食學僇僵。
三丁編戶衣裝急，百畝公村土木忙。
懶共老農談世事，自搔短髮對斜陽。

賦網巾

白頭難掩雪霜蹤。纖手穿成絡索同。映帶暮年微鬢，鑠遮藏秋色久蓬鬆。
牽絲祇訝蛛臨戶，覽鏡翻慙鶴在籠。便與黃花相見好，不愁破帽落西風。

病中

能得浮生幾日閑。桑榆夕景漸闌珊。病魔可避寧浮海，詩債相尋且閉關。
燈影背窗愁作伴，雨聲喧枕夢驚還。鹿車記得清溪路，稍待秋風更入山。

述懷二首

衰年無思獨栖栖。月且何勞更品題。自古冥飛知避弋，從來世事咲吹齏。
階前野鶴鷄同食，谷底芳蘭棘自迷。天末數峰猶在眼，微陽隱滅暮雲西。
平生百感復千憂。老景如登海上舟。毒霧不知何處盡，颶風空說有時休。
艱難徐市仍求藥，錯愕任公畏下鉤。梅不把茹同野衲，萬山深處自遮頭。

題雪景

湖邊倒樹玉爲槎。樹底茅簷路半斜。餽鶴翅寒飛不忒，伴人閑立看梅花。

童校書集

龔宇中州金華人文學與蘭溪吳沈齊名。洪武丙辰被徵修書，明年職教。

全相後爲湖州府學教授遷北平教授坐罪卒

劾陶彭澤

少無簪組念雅志在丘岑結廬古澗阿栖迹嘉樹林南軒納朝陽北牖延
夕陰踵門無深轍入室有鳴琴良朋以時至清坐談古今秣田秋向熟澗
醪行可樹頃筐擷園蔬持竿釣清潯歡飲聊共適過滿非所歛

讀山海經二首

古來學仙者漢武殊可憐後官降王母東狩封泰山青鳥夫不返巨石乃
能言空留蟠桃核誰能待千年

白日出扶桑流光丹若木東西荒萬里倒影射蒙谷嘗聞瀛海上半夜見
日浴如何北荒外乃有龍銜燭

雜詩二首

天運無停軌寸管未易量適見牽牛中短日已在房招搖指東壁遼遼夜
未央憶昔初別君春日甫載陽徘徊歲云莫爵結愁我腸

人生天地間每向憂患老自非秉明哲盛名安足保憶君堂前柏兒我髮
未燥蹉跎兩鬢衰立身恨不早而中恐無聞柏今已合抱草木本無情此

意向誰道

後和陶詩三十首

中州自序曰余往年嘗一和陶靖節詩俛仰垂四十年浮雲世事何所蔑
有及來河朔觸事感懷間用其韻積日既久辭無詮次因襲而口之曰後
和陶詩然余前所和者多因其事而寓己意今所和者第用其韻不復用
其事云中州前和陶詩蘇平仲書其後後詩則洪武二十五年壬申與獨
庵少師同客于燕少師用蠅頭小楷繼寫成卷而題其後云中州先生才
力老成問學淹貫二十年來本走南北雖涉歷世故樂天知命有合于靖
節之志趣其和詩如繭抽泉決略不見其艱窘矧有牽強者耶已丑歲之
涂月子晉得少師手書卷錄以示余余錄其什之二云

庚子歲五月中從都還阻風於規林

二首

我昔少年日無事幸休居佩弦戒性緩每師董安于道茲柔榆景始悟失
東隅屢將孱弱軀觸冒風波涂嚴冬朔風急夜絕高郵湖豈不幸利涉爲
計良已疎古人戒垂堂泥我疾病餘前途諒多險欲悔將焉如
仲冬度長淮泥蕩迷所知同行得佳侶乃諧風所期憶昨醉京邸子適同

時參差各首路不謂會在茲舉鵬
相屬滿飲不須辭人生如浮萍聚散安足疑

擬古 五首

生世無百年孰究天地終寧知
洛邑地乃處陸渾戎古來遺世士守雌知其雄
我生七九年始識廣莫風
朔土恒早寒況乃歲律窮發春諒不遠行
見星鳥中

月落窓牖白日出東南隅披衣
茅簷下稍覺四體舒故山邈千里永念先
人廬晨夕庇風雨少小之所居
別去踰十年豈但圍田蕪齒髮日衰暮天
意諒何如

西京全盛時金城高且完十二
羅通衢四方萃衣冠金張貴公子錦衣照
朱顏甲第連雲霄車馬塞城闕
雞鳴趨青瑣日晏下朝端
璠樓啟華宴瑤瑟發清彈
吳娃引趙女妙舞翔鳳鸞亦知
衡門下士不免饑寒

美玉韞荆璞三獻泣卞和
寧戚扣牛角中夜猶商哥
古來不遇士躋蹬良亦多
百年水上漚萬事風中花
且復對尊酒不飲當如何

下士困形役至人得天游
尸居一室間心已歷九州
所以驅牛翁不肯飲
下流翩翩九苞鳳飲啄崑崙丘
一飛下虞廷再鳴止岐周
瑞物不世出安

用羅網求

和胡西曹示顧賊曹

朔土秋氣高日夕來涼颺鴻雁已南鄉游子寒無衣履霜戒堅冰幾者勸
之微所以漆室女浩歎憂圍葵燁燁階下蘭一夕遽變衰愁來誰與語有
酒聊自揮故鄉豈不懷我行尚遲遲百年同適客何事主歎悲

雜詩 五首

勞生無百年知止乃逸豫尺鷃聊自足雲鵬設高翥所以那曼容位高卽
免去富貴豈不懷能不爲身慮君看嗜利徒末路竟何如驅車下峻坂中
路安得住康莊苟弗慎寧非覆車處保生良有道至要在戒懼

生世豈不長少年忽已老況復涉憂患餘生僅能保客鄉風土殊水火異
濕燥百事每隨人五更起常早寧能逐聲利冰炭置懷抱有酒陶一觴身
外無復道

生世無百年我願常歡喜尊中有美酒胸次無塵事寵辱了不知動靜得
如意妻孥常在眼親故數相值暢飲送餘年一任歲月駛身後稱善人財
產不須置

白日下平陸北風號枯桑壁沙動地起眯目揚秕穽我行在中塗況乃久
休糧解裝憊逆旅笛聲感山陽舊遊盡陳迹撫事增永傷故山不可見憂
來忽無方世事詎有涯且復陶一觴
十月渡黃河北風淒已涼河水深且駛迤洞上呂梁仰視南雁飛緬焉懷
故鄉吳葛已十暑楚砧亦三霜寧知衰莫年轉覺歸路長

和劉柴桑

昔我去鄉里所至輒躊躇躊躇何所歎華屋無人居父老向我言往往卿
相廬存者日頽弊餘已成丘墟亦有良田疇歲久不蓄畬先人始創業艱
難亦勤劬不謂數世後子孫亦已無我謂老父言其人非二疎賣金趣供
具此外奚所須我躬諒不閱身後欲何處

歸園田三首

少小樂閒曠被褐守空山戶頭賦遠遊倏已二十年簞瓢陋巷居安得如
顏淵昨宵偶不寐憶我南山田平生伏臘食今棄艸莽間豈無升斗祿差
以慰目前妻孥在遠道棄置同雲烟獨念故山下艸屋行將顛亦知身後
名未若生前閒且復對尊酒一醉已陶然

我家南山下，茆屋枕溪曲。白頭每思歸，此願何時足。敗壁懸素琴，荒庭暗
棋局。天道恒好還，世事如轉燭。寧知若木景，不返扶桑旭。

我昔在田野，東阡與南陌。時有素心人，濁酒聊共適。既醉各歸臥，不如牛
羊夕。醒來眎西牖，殘月在窗隙。寧知衰暮年，迺復困行役。天公如佚老，占
歸遂畊績。擊壤樂餘年，篋瓢敢求益。

已酉九日

客游五千里，乃得物外交。朔土天早寒，九月艸樹彫。行公林下秀，要我共
登高。秋風淨游氛，流目空雲霄。稍覺懷抱寬，遂忘登陟勞。古人不可見，俛
仰心爲焦。緬懷廬山遠，神契栗里陶。斯人去已遠，千年猶一朝。

貧士二首

我昔客吳會，歲星直降婁。乃多素心人，晨夕更唱酬。及茲客燕薊，歲星行
一周。親友去眼遠，日夕生離憂。物外得衍師，似是支遁儔。同鄉或同歸，此
外非所求。

人生靡定止，飄蕩如轉蓬。萬事了不齊，曷能詰化工。寧知揚子雲，乃燃楚
兩翼。天運有代謝，倚伏恒不同。安願隨所遇，胡爲計窮通。用舍固有命，劫

哉慎所從

顯胡廷輝畫梨園圖

君不聞昔年天寶全盛時梨園玉雪千萬枝君王夜入月宮去後庭愁損
千蛾眉銀橋閣道相聯絡十二闌干倚寒玉歸來不憶天上遊獨記霓裳
羽衣曲沉香燕坐清夜長流蘇寶帶懸明璫一百五日寒食節三十六宮
明月香玉環堆足嬌無力菱繞巫山楚雲碧六花散作晴雲飛落地琮花
曉無迹漁陽一夜飛邊塵六龍萬里天西巡馬嵬腸斷埋香玉蜀道天高
空白雲東歸坐嘆年華暮遙夜漫漫誰與度梨園弟子多白頭滿眼新人
不如故爾來此恨六百年花開歲歲春風前乾坤舊事逐流水畫圖却向
人間傳半幅齊紈渺簫瑟拭眼春風香露濕當年畫史知幾人入爲君王
寫無逸

水車行

零陵水車風作輪綠江夜響盤空雲輪盤團團徑三丈水聲却在風輪上
大江日夜東北流高岍低坼開深溝輪盤引水入溝去分送高田種禾黍
盤盤自轉不用人年年祇用修車輪往年比屋搜軍伍全家載下西涼府

十家無有三家存水車卧地多作薪荒田無人復愁旱極目黃茅接長坂
年來兒長成丁夫旋開荒田納官租官租不闕足家食家家復藉水田力
一車之力食十家十家不憚勤修車但願人常在家車在軸不憂禾黍秋不熟

冬日道中

日落疎林度小橋天寒歲晚路迢迢道人已是歸心急更爲梅花住一宵

留泥行

朝甯泥暮甯泥河水澆田河岸低吳中有田多滴斥河水高於田數尺兩
淋浪拍岸善崩歲歲甯泥增岸陸載泥船小水易入船頭踏人船尾立吳
兒使竹勝使篙竹筐漉泥如濁醪水流泥滑似沃焦岸上浮上何如高此
身便作淘河鳥河水終多泥漸少君不開越上之田高於城連車引水千
尺坑車聲軋軋夜達明田間濁水無時盈吳田苦澇越苦旱越水常慳吳
水滿嗟乎世間至平惟水猶不平請君不用觀世情

和衍公約看杏花韻

客鄉不識花時節官舍蕭條如巷陌閉門猶恐迎朔風兄復看花真行樂
前年又得殷師疾往往空中聞打麥回思少年真一夢幸免流沙陷

非無萬里封侯志，胆落繩橋懸度索。亦欲州縣謀斗升，束帶晨趨謁方伯。
坐是蹉跎四十年，不知兩鬢如霜白。東隣有子早宦游，駿馬雕鞍日馳躍。
西隣有客亦從軍，十載歸來門列戟。書生半世成何事，出門却笑天地窄。
南北驅馳今幾年，猶喜青衫尚如昨。去冬十月上燕薊，朔風入懷衣縫折。
弊裘百日走黃沙，縱有清泉誰浣濯。平生故人幸相值，一一襟懷皆磊落。
四海誰非兄弟親，百年同是乾坤客。興來載酒數相過，如此客懷良不惡。
昨宵忽作鄒山夢，便欲飛書謝婁約。來春玉版行可參，擬約參寥同大嚼。

再次衍公約看杏花

我生獨後邵康節，白首黃塵走阡陌。興來猶作山水游，不減當年謝康樂。
歸來讀書茅屋底，不悟庭中雨漂麥。往年爲客上湘水，萬里不異僧行脚。
東還茗雪又十年，日夜思歸嘆蕭索。移舟五湖，弔范蠡，醜酒三高祠。太伯
豈無蒼弁晴嵐翠，亦有洞庭秋月白。不問烏飛與兔走，自樂鸞飛共魚躍。
去年買舟上呂梁，橫波利石森戈戟。狂吟不信風濤險，浩飲祇恐滄溟窄。
眼中往往逢故人，謾說人民已非昨。去年一月到燕城，官河水動冰初拆。
解裝孤館深閉門，塵纓未暇滄浪濯。城西招提雙杏樹，聞道花開亦將落。

湯休妙語數見招憐我同是江南客嗟余臥病已旬浹出門不奈東風惡
西家蹇驢許相借明日無風便如約政使飄零滿地香共拾殘英帶水嚼

鮑徵士恂

恂字仲孚崇德人元乙亥科易經進士洪武中年八十餘與安吉余詮高
郵張長年並以明經老儒可備顧問遣使驛召命爲文華殿大學士以老
疾力辭明日放還仲孚爲人慎重不可狎而學行名天下後以事累卒于
外

題吳仲圭平遠圖

蒼山遙遙兗千里綠樹參差碧烟起雙帆忽從江上歸影落斜陽濕秋水
林陰蒼莽鳥不飛石徑蹭蹬行人稀松根似可縛茆屋沙尾亦足容漁磯
我嘗西遊倚江閣極目長空入寥廓好山不肯過江來恨不乘風跨黃鶴
吳君画手當代無落筆何年成此圖安能著我岩壑底相覓老樵尋釣徒

次韻竹林先生中秋詠月之作

至正庚子

昔年爲作蟾宮客曾向宮中看玉輪萬丈光懸金粟樹三更影落絳河津
生憎老兔深爲窟却咲仙娥不嫁人回首歸來舊塵世滿天風露一吟身

數年不對中秋月，月色依然不負秋。嬾問仙人修玉樹，且陪帝子上瑤樓。
斗牛低繞天樞轉，河漢斜橫左界流。却望蓬萊宮闕遠，幾隨清影到西頭。
浪說今宵明月好，干戈滿地幾人看。惟堪院落清尊賞，忍照沙塲白骨寒。
綠筆寫殘思縛兔，玉笙吹罷擬乘鵝。知君此會非忘世，只爲良辰一笑難。

題趙彥徵畫

昔在茗花溪上住，遶溪山色滿高樓。別來十載看圖畫，山自青青我白頭。

盛叔章畫

烟濕空林翠靄飄，渚花汀草共蕭蕭。仙家應在雲溪處，祇許人間到石橋。

烏永新斯道

斯道字繼善，慈谿人。自幼學文于夢堂噩公，得修道胡先生之傳。宋景濂稱其有法國初以薦起，知化之石龍縣，調吉之永新，以疾去官。尤精楷法。罷官後求詩及書者戶限常滿。

古詩四首

女蘿依松栢，松栢不可依。巨幹遭蕩伐，修蔓殄無遺。女蘿當奈何，無依乃其宜。盤旋大化中，春榮秋自萎。升高豈不好，天折亦足悲。

荆棘開好花，娟娟耀芳辰。羅生及周道，未嘗罹斧斤。斧斤或相加，芒刺反傷人。朔雪貸其死，后土固其根。人力愧孱弱，天地胡不仁。崇崗有松栢，日摧爲薪。

蜘蛛素甘帶，鴟鵂喜食鼠。蛇長卽吞象，蝟小能制虎。鷹鷂與鴛鴦，生同被毛羽。胡不念同類，搏擊苦相侮。鴛鴦好文彩，疇能憐愛汝。倚蘭畏陽盛，甘菊思重食。昌陽惡溪涸，揭車傷土瘠。上有寄生草，蒙茸託松栢。下有無名花，紛披弄佳色。尋芳邈無人，空有馨香德。

澤畔

上征天無風，遠遊素無金。種蘭蘭不芳，行吟向江潯。漁父曠達者，庶幾知我心。鶴鳴子和，徒然有哀音。踟躕當奈何，湘水清且深。

吳節婦

憶昔嫁君時，贈我白羅帨。君歿帨猶存，拭我泣君泪。泪盡帨不爛，長留篋中看。并州有剪刀，誰能剪一半。將心比羅帨，皎皎如素絲。素絲可以染，我心終不移。

次蒲菴長老韻

二首

一別老禪三載餘每懷溪上咲談初春山細雨霑烏帽晴日間華墮碧疎
九日登高曾有約二王小楷未能書至今不到天香室深窺埃塵少滌除
矯首令人感慨深浮雲蔽日閣曾陰六時花散金銀刹千里塵飛劔戟林
經罷看山長獨坐定回倚石自微吟絕憐松下清泠水好與人閒洗渴心

丁孝子詩

丁鶴年精誠之心上達九天丁鶴年精誠之心下達九泉先翁曾長武昌
縣死葬山中厄兵變山中父老懷甘棠修築堂封自相勸鶴年避亂東海
頭年深道阻生煩憂亂靖還尋武昌路淚痕滴滿先翁丘彷徨改葬樊山
側不惜黃金換沙石此身尚在天地間何事能令慰朝夕卜日已定雨漫
漫十日不止難下棺仰首呼天雨中拜雨爲闕駐陰雲端葬後倉皇下山
去大雨依然大如注是時送葬紛如雲祭奠爭趨墓邊路母困于戈生別
離見大母死才得歸但聞母死葬村落問人葬地俱不知村落蓬蒿暗荒
土數月走尋心獨苦焚香祝母如有靈爲報沉淪在何許夢中忽見別時
容步上高堂言未終牽衣慟哭自驚覺清晨起接隣家翁翁言昨夜夢而
母親出房籠贈尊酒夢間此夕精靈通早晚應當見枯朽共披荆棘凌風

霜平地有坎疑有藏。酒飯陳辭屬深土。遺骸果見生輝光。恐認他人心。鮪
舐血淋漓。試枯骨枯骨通紅。知可徵一齒當門。正如漆重製衣冠。新作
墳遷葬母骨。安母魂。積恨誰知滿胸臆。烈風頻掃空中雲。丁鶴年病且瘠
何異常人七尺軀。丁鶴年能讀書。何人不解探玄珠。一片精誠獨如此。回
首世人空有子。

鄭貞孝淵

淵字仲涵。浦江人。試有司不合。師事宋景濂。爲古文辭。洪武元年。詔徵稱
疾不起。卒年三十。有八門人。私謚貞孝先生。

次韻宋學士見寄

四首

涉江采新綠。攬之不成歡。我心獨何苦。臨風屢彈冠。無心問明月。有懷如
長川。且歌擬招辭。采芝向商顏。
商顏有神芝。豈徒樂苦饒。可以起沉痾。可以滋容輝。乞身在強健。行樂須
及時。願言賦歸來。慰我朝夕思。
夕思苦長夜。欹枕聽征鴻。征鴻爲稻粱。南北何憧憧。相隨有流水。莫比情
無窮。起來步簷下。倚遍青青松。

松月流光精照我雙瞳青千里共徘徊兩情正交并取棊彈別鶴弦寒不成聲誰知揚州地亦隔牛女星

葉主簿子奇

子奇字世傑龍泉人王師入處子奇上書總制孫炎謂龍鳳當紹宋正統改紀元政用薦主巴陵簿嘗作太玄本旨究通衍皇極之說儒者多稱之洪武十一年春有司以令甲祭城隍神羣吏竊飲猪腦酒縣學生發其事世傑適至亦株連就逮獄中以瓦磨墨有得輒書事釋家居因續成之號草木子

楊褒忠公墓

步出城南門來弔褒忠墓墓高三四尺棠梨已無樹昔人重忠節尸祝因崇宇自從兵甲興萬物散風雨碑爲攻城砲屋作臨衝柱淒涼今日事豈異金源苦塚傍新骨多狼籍相撐拄飢烏啄人腸飛過淮河去

過磊石

洞庭五月涼氣多輕風捲浪生微渦小船掛帆不蕩槳後船來和前船歌月白船頭大魚出天青水底懸星河千里故人不在眼有酒欲飲將如何

上院判十四韻

浩蕩風雲氣英雄虎豹姿飛霜看下令甘雨望興師破的千人駭橫戈萬
馬馳虎符開列校龍節鎮邊陲城曉曉霜清角天秋月滿旗山河百戰外人
物再生時細柳春營肅崇蓮夜漏遲威行知不犯事定契無爲公議皆歸
德深恩欲頌詩自慚生也晚况復數逢奇李早汾陽識蘇求太尉知熱非
爐上炙天笑井中窺大業今伊始偏城豈足羈會須盟券鐵勳業冠彤墀
過嚴先生釣臺

君爲利名隱我爲利名來羞見先生面黃昏過釣臺

湘中怨

帝車從此去不見帝車回日日登臺望湘江白浪來

懊惱曲

綠珠酒半酣吹笛對明月金谷樓正高萬騎已如雪

流連樂

歡樂自我事豈復關汝家不知問何罪驚儂張麗華

徽巖道中

徑行古官道何處有人家時見荒山脚一川蕎麥花

塘上聞蘭香

大谷空無人芝蘭花自香尋根竟不見茅草如人長

寄履齋

鑿池取青天魚向夫上游夜靜風不波一痕山月秋

題花木翎毛画二首

海棠花未開枝上春禽語東風幾何時滿地飛紅雨

濛濛花上霧五月海榴紅幽禽弄晴晝葉底聽惺惚

岳陽晚興四首

落日秋天鴻雁長洲烟水兼葭沅澧尚留蘭芷武陵難覓桃花

洞庭萬頃秋月君山一點晚烟安得幅巾無事酒船吹笛江天

暮雨漁村春溟曉霜楓葉秋酣人世花開花落山光湖北湖南

長天秋水一色落日青山半街雁浦烟波漁笛龍陽風雨歸帆

漫興

功名富貴兩亡羊且盡生前酒一觴多種好花三百本短籬風雨四時香

隱居

蒼石紅泉少隱家，牽牛延蔓繞籬笆。不知滿徑秋多少，涼露西風澹泊花。
已亥元日寓舍獨坐對雨

清坐無憀獨客家，一瓶春水自煎茶。寒梅兒樹迎春早，細雨微風看落花。

復次仲脩韻

春風村巷澹如秋，細雨和雲點點愁。正是別魂招不返，落花流水下溪頭。

寨上過重九

客子光陰似水流，西風吹老菊花秋。今年不用登高去，人在青山最上頭。

壬寅重九

白雁風高落水洲，人間歲月水東流。山城又是當吹帽，數點黃花冷澹秋。

題張原環蓬窗

銀絲魚鱸碧芹羹，曾記扁舟越上行。今日小軒風味似，滿川風雨看雲生。

縣舍卽事

朝日開衙暮散衙，略無一刻及春華。偶過縣舍坡陀外，隨分春風領菜花。

岳州歌

綠波晴漾白龍池郭外人家有酒旗客思獨如楊柳樹春風愁緒萬條絲

宿白羊湖

客思官程意轉迷相江南去草萋萋待尋無樹人家宿免得中宵謝豹啼

寓玉清觀

徑艸微微護淺沙小山叢竹玉清家牽牛延蔓無多碧點綴秋光一兩花

長沙水陸洲

長沙城西湘水流客來城下繫孤舟隔江梵樹殘楊柳留與啼鳥伴白頭

南唐故址

唐主宮垣集暝鴉垣邊幾座野人家尚餘一片繁華地宜種紅藍內苑花

天岳新居二首

道院僧居相與隣綠陰門巷不生塵落花飛絮無情緒只解年年斷送春
茅齋新卜小山東野竹盤根舊有叢柔綠近抽三兩箇便能搖影向春風

許訓導繼

繼字士脩寧海人方希直志其墓曰天台方季孺有篤志尚德之友曰許
君士修言動趣舍咸則乎古之君子喜爲詩其高妙處有魏晉人風韻別

自號觀樂生或傳其觀樂上訂金華太史公歎賞以爲不媿古人精思力學既病咯咯然嘔血而磨不止凡三年而卒琅琊王錡觀樂生傳曰生家貧壁立與知己語必忘食對俗客或不發一談卽諫亦不文暇日作五言詩以達其情有陶柳之風士修嘗爲台州儒學訓導洪武十九年卒年僅三十有七

初日

揚輝啓羣陰升耀昭萬象迢遙羲和馭駕龍復東上海波方照灼岩霏盡開朗遂令一羽微飛飛亦求養冥行固云衆誰此悟昏妄

澄淵

水色本明照况此靜以深泓澄幾千頃流汞凝玄陰空光碧天合倒景青山沉默鑑不遺物至虛寧受侵願言寄潛玩湛然契明心

遣興

世道日云降何人激頽流於時競靡靡去古良悠悠鴻鵠有高志一舉橫九州蒲籬白云廣燕雀芳啾啾

夜坐

焚膏繼短晷坐此寒夜深不意片楮間乃見古八心曠懷浩四海內祀不
滿襟山空霜月白猿鶴流清音

送方希直遊學金華

良會古所惜光景不可留故人今有行出門復悠悠晨鷄號遠陌行色滿
道周千里從明師豈徒事遠遊川原渺何極仰止在山丘余生學苦晚賢
哲忽我尤顧乏馳騁力重增離別憂遙遙金華道從君去無由願爲東南
風吹上人詠樓願爲雲端月照彼雙溪流君情諒不違我心復何求

擬遠遊篇

朝涉滄海水莫上三神山洪波千萬里揚帆出其間陽侯弄神怪半空舞
層瀾載驅龍與螭復御魚與龜萬怪共奔逐百靈相後先潮生秋月白潮
落曉日殷因攀搏桑枝沐髮掛余冠仙人觀我食玉女朝具食清嘯引長
望水光流素寒颶風夜來息但見水吞天回望齊州土宵靄空雲烟

重過潘氏隱居

刻詩新篁上粉節吹幽香密林若廣廈萬斛含晝涼陰草澗芳繁古苔石
老蒼涼無答清景詠言示不忘

夜宿期王修德不至

城西桂織月夜色回春逕出門候所思花露沾衣淨悠悠醉餘意寂寂靜
中聽燈暗清漏初煩愁亂孤興

秋夕書懷

高空生夕涼秋意入河漢馳雲若奔駟明月隱復見天棧感衆物夜色闕
深院鳴葉響蕭颯吟虫發清怨追思童稚日膏火事黃卷撫跡今已非慮
深志亦倦頽波惜遷運往節閱驚電浩浩古人心庶於靜中見

村中晚興

微吟循清流長眺際遙嶽山秋雲氣深野晚日色淺危柯涼似振時稼熟
初偃一念故林居情隨飛鳥遠

秋夜二首

夕涼滿庭戶悄悄林下宿蛩韻連廢堦螢光映深竹虛懷感末事往節驚
瞬目起舞明燈前驅愁瀉醞醞
短檠照幽榻秋氣夕逾爽雨止風葉鳴天清侯虫響嗜古思有爲困學愧
無長往已來不聞撫心徒偃仰

懷友

高臺多涼風朔氣橫莫雲黃金與時盡駿骨爲灰塵荒烟走狐兔落日蔽
棘榛感慨百代下誰是悲歌人平沙漫浩浩黃流去云云遠游諒已倦歸
踏江南春

夜宿淨土寺

山空吹夕風暑盡生夜涼禪宮極清闕天籟過虛堂烟鍾悄已寂華月未
流光玉繩帶銀漢夜色耿穹蒼暗汲石崖溜時聞瑤殿香觸景自不寐卧
聽金琅璫

下嶺樵歌

石磴緣蒼蒼負薪下層峭歌聲相應發山水閃殘照近驚幽谷響遠答清
猿嘯款乃江上音烟波豈同調

夜歸

夜歸人已臥山月猶在戶驚鷗翻暗叢哀鴻響遐渚風虛籟靜壑霜肅氣
澄宇顧影忽興懷孤身在羈旅

雨中有懷

入春幾晴光物意轉蕭澹冰雪寒尚餘雲陰晝常集清晨林端望兩目縱
所及白水天際渾青山雨中溼飛來雙幽鳥復向花上立心賞不可同何
以舒快邑

雪

山花寒不開庭雪曉還積江南十日春東風未相識蕭條新柳姿清淺故
池色日晏起荆扉迢迢遲來客

夜坐

雨歇宵影澄天清月華素空山秋欲來涼意先在戶蕭蕭林樾風泫泫
簾露草虫亦何知含悽感遲莫深思無與言美人隔江浦迢迢銀漢章無
聲自西去

結交行

識人人識已騰口自相譽譽至毀亦隨憂患安能去飽公不入城孔明拜
床下識上不欲多乃是知人者

中夜聞風雨滿林明且卽爲重九情之所至輒見一辭

要覺清夜分林塘響風雨虛懷怯病枕展轉心自語重陽適茲日興感春

時序柔道方彙征嘉名固宜與際際其鴻翔
撼涼葉委撫跡徒有悲抱
思謾無緒登高候明發新寒薄
衛宇黃花滿山籬采采懷倚侶

九日登山

處喧久忘靜臨曠始覺真步登千仞罔眷茲
九秋辰餘滓澄廣澤薄氛散
高旻浮空白雲遠冠日丹霞新海嶼互出沒
天峰秀嶙峋清時窮四遐逸
興蕩八垓興懷慨前古一瞬迹已陳無令東籬菊
靜咲悲秋人

雨望

蕭檝木茅聲慘淡山雲愁邪扉度清夏一雨
驚涼秋茅茨望不見蒼莽非
舊丘羈情信怏怏世事良悠悠行人女已稀
耘者方未休烟深語倚侶
上驅羊牛畚鍤豈不勞志願無外求所以沮
溺徒不爲堯舜憂歲功嘆已
矣慨焉懷綠疇

對雨

沉沉時雨積冥漠晦平莽臥起人事闕臨軒
坐虛敞繁林洿餘澗曲池散
清響去家徒有思出門亦何往山深亂雲合
村暝孤烟上飛鳥望不還空
愁結遙想

自雙溪將還家月夜有懷作

月圓當今夕客還候明旦天空影自流道遠情猶間徘徊清輝間喬木夏
陰散涼亭螢暫歇陰沼蛙方亂匡床寢不寐病骨勞展轉青燈照愁心幽
花爲誰燦鷄鳴起促駕路出烟林畔半生羈旅蹤江山浩興歎

石林道中

容行石林道還顧望海門日午蜃烟滅雄濤浩渾渾魚船集遠步百里腥
風昏岸遠野塘色潮吞沙渚痕危嶺過九折前登畏崩奔鳥啼怨山雨山
深傷客魂舊歷宛如昨夏木今已繁路難欲自慰沽酒溪前村

曉度范家灘

魚梁障清湍水落灘面闊天風石竇秋數里聲聒聒晨涉思揭厲川廣畏
難越浦口人不聞扁舟遠如月巖波望空霧曉岸指毫末新曙野始分清
涼木先脫別離旣舍廬過景聊暫悅初旭轉滄漠彤霞麗雲闕迴瞻極迢
遞凌步多曲折前吟石山行采芝養高節

賦蛛蜘蛛落葉

秋氣感木葉故林飄墜時不成
栖蔓草還復綴蛛絲屢舞涼風得高懸落

照宜多情似留戀，爭奈已辭枝。

自遣

獨坐還長眺，高歌愁自聽。雨中苗盡綠，烟外樹重青。病久憐形瘦，愁多畏酒醒。芙蓉將爛熳，采憶江行。

病中作

風雪年將盡，山林客未還。消磨塵世事，留得病身閑。

胡致授奎

奎字虛白，海寧人。寧府教授。嘗歸白江西泊舟番君之望湖亭，見亭上石刻東坡黑雲推雨未遮山一絕，次韻和之。書之于壁，忽見一叟來誦其詩，曰：子非斗南老人耶？乃爲長揖，舉首不知所之。因以斗南老人自號。

夢遊廬山

我有紫霞想，夢遊匡廬峯。仙人凌絕頂，手掉金芙蓉。亭亭九天上，巒嶂崩騰涌。波浪五色雲，中白鹿鳴三更。海底金鷄唱，懸崖瀑布從天來。天足練倒界青天，開高人自是陸修靜。邀我石磴行，莓苔九江秀色可攬結。欲跨長鯨，捉明月望斷蓬萊。青鳥書琪花落盡，無人折飛身上挹香爐。烟坐臥九

疊屏風前翻然拜手招五老一咲彷彿三千年松風冷冷吹夢覺鶴背高
寒露華落早知此境隔塵凡只合栖神向丘壑何人寫此江上山雲山與
我心俱開明當會碾礪輪去長謝時人竟不還

北上行

食蜜不知苦衣葛不知寒今晨出門去始知行路難驚飈吹斷蓬沙磧何
漫漫羸馬縮如蝟霜花大如錢夜涉黃河凍舟行不得前君腸轆轤轉我
腸車輪盤王事有巖程去去勿憚煩彎弧落旄頭飛箭定天山會賦饒歌
曲論功萬里還

送徐千戶之甘州

春寒初試越羅袍不惜千金買寶刀馬援橐中無薏以張騫槎上有葡萄
崑崙西去黃河遠函谷東來紫氣高何事相逢又相別隴雲邊月夜勞勞

江邊柳

朝送木蘭船暮迎征馬鞭非關離別苦生長在江邊

挽張光弼

二仙坊裏張員外頭白相逢只論詩今日過門人不見小樓春雨燕歸遲

題蘆雁圖

草草書空不作行相呼相喚過衡陽蘆花月冷應無夢
家盡寒沙一夜霜

宿田家

村北村南社鼓聲閑尋父老說昇平孤燈也識離人意
落盡寒花却再生

管長史訥

訥字時敏華亭人九歲能詩長師楊廉夫友袁景文洪武九年徵拜禁王府紀善之國後升左長史事王二十五年乞致仕歸里王請命于朝留居本國祿之終身葬郡城東黃屯山初從楚昭王破銅鼓蠻諸將欲殄其餘黨固爭之得免昭王曰管長史一言活數萬人必有後已而生子王喜名曰延枝畜之宮中長爲府紀善延枝爲丁鶴年門人有詩見湖海耆英集

墨窗爲趙搗謙賦

女媧立極斷鬢足羲畫之先無刻木始觀鳥跡製文字夜鬼哭天天雨粟篆隸變化生八分行艸復作何紛紛六書古制旣茫昧載籍况遭秦火焚後之作者不可數形聲寥寥眇千古更論得法神妙間自信臨池心獨苦君居於越文獻司家藏金石書滿牕磨穿青州老未已萬斛巨鼎噉能扛

吳興宗人已物故浙河東西誰獨步君今有志繼絕學砥柱中流見孤注
剡溪百畝冰雪光玄霜一斗松煤香滿堂賓客看揮洒風雨颯龍鬣翔
我嗟塗鴉手如棘屢欲從君問奇畫君還許我載酒來我捧十鍾勞君筆

曉起

真館曉晴初官清遠塵俗怡然對簡編庶矣忘榮辱遙峰擁歸雲高城澹
微旭落薰冬青花江南雨新足

獨坐

獨坐茅堂上長吟不下牀亂書堆几席疎雨過陂塘野燕衝簾入汀花度
水香應須存晚計次第學耕桑

發新河次韻

自忝王門祿頻幸此地過秋風起遠道暮雨宿新河白浪鷗逐小青山雁
外多客杯相慰藉一酌總恩波

曉發雷港

月暗投寒港天明發曉途鷺應尋宿侶雁已誤更奴霞映汀汀暮霜枯倚
嶼蘆彭郎碗尚遠隱隱一山孤

哭先師樛隱先生

先生姓劉名儼字敬思錢塘人

痛哭劉夫子如今隔九泉感恩惟我在卓行許誰宜漢向猶今系梁許復
後賢家殷俱溢耳才望孰齊肩百氏遭漁獵群經費討研大鏞知在序巨
筆信如椽美玉雖居璞明珠必媚川薦章何懇懇束帛竟戈戈東壁星辰
表西清雨露邊班陪黃閣老名廁玉堂仙禮樂皆新制方輿有綴編宜麻
應內命行李忽南遷漢節衝蠻雨黎歌入瘴烟客庖魚米賤商舶象犀聯
省檄官將調郵書訃遽傳龍蛇雖起起鸞鶴定翩翩有客書銘碣何人給
墓田禹山雲若慘谷水月空圓雨泣悲鸚鵡風魂託杜鵑哲人其逝矣小
子獨淒朕膏馥多沾丐愚蒙頓勉旃斯文因泪沒吾道亦迤躓躓接才雖
劣心喪禮自專每傷醴醑爵爵况忍讀哀篇感激千愁外號呼百拜前不知
雙眼泪何日斷潺湲白鶴年評曰如一之義心喪之言哉

尹母行

雲間尹母年十七嫁夫三年夫病卒舅姑在堂見在祿自誓焚爨守空室
家貧何以爲生理紉縫得錢奉甘旨門外春風自往來寒心一寸如天死

次韻答朱孟辨見寄

十日春無一日晴，閉門聽雨不勝情。
江華偏向愁邊發，地艸多從夢裡生。
西北星搖天不動，東南潮落海如傾。
却怜臣甫憂時切，夜夜遙瞻北斗城。

宴徐氏樓

高宴徐家池上樓，座中賓客總風流。
東城美酒休辭醉，南國佳人自解愁。
晴日遊絲當戶落，暖風香篆近簾浮。
歸時不用山公馬，短棹春波正滿洲。

和內兄金士庶清明日答張應辰見過

雨晴江路少塵沙，有客尋春到水涯。
風細游絲低著草，日斜歸鳥亂穿花。
青山幾處無新塚，喬木何人是故家。
倩得盤遊春髻子，東風日日好將車。

清明感懷

十年宦學楚江濱，老景垂垂上此身。
柳絮忽逢三月節，看花又過二分春。
青山風雨多新鬼，白髮江湖少故人。
東憶墓田千阜下，可堪回首一霑巾。

過皖城弔余忠宣公

元戎百戰守孤城，千里蚩蚩絕援兵。
堡郭有方文且武，簡編無愧死猶生。
神來道廟乘雲氣，鬼哭空江雜雨聲。
尚憶李侯并達帥，一時忠義屬科名。

達兼善狀元爲浙東元帥死于海李子威狀元爲江州

太守死于郡

北樹

舊家行樂小亭臺珠箔青山卷
面開花月當時人已散
舞鈿猶委官墻草步障曾過輦
路苦一代繁華易銷歇

柳風今日燕還來
白榆霜冷雁聲哀

贈別

草色青青漢水新
異鄉聽雨怕逢春
客懷不似今年惡

頻向東風送故人

紀夢

小宴初闌罷玉笙
東風庭院了春情
流鶯啼過樓東去

一樹梨花正晚晴

江行

野色含江薄沙痕帶水長
東風無白浪容易下蘄陽

顧教授祿

祿字謹中華亭人以太學生除太常典簿後爲蜀府教授嘗過鄱陽湖賦詩太祖聞之命盡進其所作解縉嘗入便殿見御籀置祿詩數帙故其集名經進云祿少有才名嗜酒善書高士敏贈詩有兩京詩博士一代酒神仙之語解大紳目無一世顧益稱其詩以爲嗑吸風雲奔走造化豈

其才情爛熳不經師匠畧有相似者與

題桶底仙山圖

昔人夜投逆旅中戲將指爪呈神工
颯颯逸响如飄風桶底刻出蓬萊宮
狀如六鼉擁虛空戴山出沒滄溟東
瓊臺瑤闕知幾重千門萬戶遙相通
儼狀中坐一老翁星眸霞臉冰雪容
群真左右來相從或翳白鳳騎青龍
女仙七十如花紅各執樂器笙與鏞
鈞天一曲奏未終雙成勸酒琉璃鍾
谷神長生壽無窮出入造化超鴻濛
我欲上天踞紫虹高步去逐東王公

愁山中古寺

行春過遠村鞍馬愁山門
画壁神儀古鑄厓佛像尊
鼠翻殘瓦墜龍出小池渾
亦欲詢興廢苔碑字半昏

懷思復錢先生

每憶錢夫子才名世少同
賦傳羅剎盛詩擬拾遺
工儒術翻多誤官資惜
未崇空令虞學士期荐玉堂中

次韻夜泊二首

海近潮初上江清天倒流
故鄉頻入夢此地獨維舟
落雁沈霜鏡泝魚避

月鈞不眠催早發歷歷數更籌

城郭還依舊人民似昔非故鄉南去遠奉使北來稀水落波聲小天空月色微客舟隨處宿浪跡幾時歸

和袁海叟題老蛟化江叟吹笛圖

千里神龍化作翁月明吹笛倚龍宮曲聲不許人間聽散入重湖半夜風

貝紀善翔

翎字季翔崇德人廷珺之子官楚府紀善

未央宮瓦頭歌

臨川宋季子得未央宮瓦頭一片代陶泓因搨一紙見遺上有長樂未央四字其文古雅余爲賦一首云

赤龍西飛入咸陽烏駝噴火焚阿房阿房已灰駝亦逝渭水參差開未央未央宮殿中天起乃公見之怒仍喜壯麗方推相國能萬戶千門從此始南山相對雙闕開函關夜啓侯王來奉觴殿上呼萬歲拔劔歎柱何雄哉玉階一污新都履舊宅重開浴陽水東西照耀四百秋漢基半與周基似長楊昨夜西風早錦幔椒塗迹如掃誰言長樂殊未央回首青青千里草

可憐遺瓦至今存古今不剝莓苔痕銅雀有歌哀白日鴛鴦無夢到黃昏
梁園老人愛奇雅錦裝得之百金價茆齋風雨伍陳玄猶作金人淚如瀉
朝來榻得寄江城舊物相看無限情白髮張衡足愁思何人相與話西京

擬古

妾有綠綺琴中含鳳凰音不爲黃鵠操試作白頭吟河中錦鴛鴦比翼相
因依落花隨飄風各自東西飛物情有不同貞心以爲保春葩折秋霜容
華豈常好芙蓉出綠水見別汚池中白璧薦泥塗乃與瓦礫同妾有五色
絲爲君製衣裳朝朝勤拂拭夜夜爲薰香將心置君腹知君忘不忘

晚望

鷄鳴雙關曙山翠漸霏微日映金宮上雲依玉殿飛萬方秋貢入千騎早
朝歸自笑何爲者緇塵滿素衣

閑居

閑居不是爲逃名野性從來少宦情況有林塘供吟詠且無冠蓋費逢迎
夕陽山好樓中見春水船高樹杪行何處飛來如雪鳥相親相近不相驚

吳門會故人樓

文淵

憶曾相識自兒童。二載雲間筆硯同。深院抄書桐葉雨。曲欄聯句藕花風。
當時壯氣凌諸子。今日衰顏對兩翁。高卧田園真自樂。宦遊愧我尚西東。

王編脩翰

翰字時舉夏臺人。元季隱居中條山中。國初出爲周藩相王素驕有異志。
正諫弗納。斷指佯狂去。王敗竟無所坐。起爲翰林編修。謫廉州教授。夾獠
亂城陷。抗節死。有敝箒樵唱梁園諸集韓邦奇爲之序。

言懷呈董仲綸訓導

南山有佳樹。衆鳥寒相依。佳樹何團圓。歲暮心不移。高枝聊可嬉。低枝安
我栖。有巢不能庇。敢望故林飛。古劍光射斗。墜沈還不朽。欲淬使之利。持
此恐傷手。不若兩錢錐。反以得取售。向市空抱歸。令人顏甚厚。虻蚺涎自
濡。蛟龍噓成雲。虻蚺以自足。蛟龍或可馴。大小各逍遙。鷓鴣何足論。方崑
秋氣高。大宇何蕭蕭。騷主人有西成客。子免焦勞道途何縱橫。使我顏色消。
世故多紛紜。萬事徒瞖瞖。一笑欲拂衣。青山頻見招。

棠梨墓歌

棠梨花白春似雪。棠梨葉赤秋如血。春來秋去棠梨枝。長夜漫漫覺時微。

明月照青鏡香霧鬢翠髮草寒虫噴噴花落鶯關關青燈耿玄闕黃土埋
紅顏楊柳樓頭紅粉歌舞罷春風飲翠蛾莫厭樽前金叵羅君看岡頭窳
堵坡

龍江別意

送客都門道旗亭酒一樽雨餘芳草合風定落花繁曉樹連雲暗春江帶
雨渾明朝定相憶遙望一銷魂

題山居幽趣圖

幽人愛岑寂林下築幽居觸石雲生谷通泉溜決渠鶴眠春院靜猿去晚
林疎時有採芝客商歌振碧虛

山居幽趣斷前詩句成

買得青山好林居事事清晚窗分竹色夜枕落泉聲露滴琴書潤雲隨杖
几生未能脫簪笏猿鳥漫忘情

過澗口縣

澄江東去急南槩入湖深林密藏秋雨山高倒夕陰麗譙臨小縣佛閣出
遙岑當趁風濤便無由得賞心

過九江府

早發潯陽嘶秋風鴻雁高谷容通窈窕江色變蒲萄
堅壁雄千雉危檣艤萬艘琵琶亭下水猶似響檀槽

次韻教眉山

霧作衣裳雲作屏玻璃萬頃着娉婷夫石上偏多雨
織女河邊欲隕星蠅竦夏涼收淺絳蟾蜍秋冷抹長青
可憐天際微顰處六國興亡一夢醒

和黃體方件讀新蟬韻

滿地殘花過雨天槐陰庭院響新蟬輕敲金奏當窗外
閒撥銀箏向枕邊曉露吸殘青草嘶晚風吹出綠楊烟
家山深處林亭好曾被繁聲聒醉眠

秋信

寒來消息是誰傳金井梧桐一葉先殘暑已消團扇底
新涼纔到短檠前閒愁多在蛩聲裏寄遠常從鴈影邊
流浪浮生渾不覺知梳林外有鳴蟬

送成紀善省親關中

端門賜告得馳蹄雪霽沙溝淨不泥寒度雁聲天
遠近早行林影月高低河源出塞全繩直嶽色連雲翠
蓋齊戲綵高堂稱壽畢歸期先報鄭門西

和王道錄韻其人嘗住茅山

兩首新詩墨色濃飄然逸氣有仙風
藜床清夢飛爲蝶竹杖通靈化作龍
商皓芝田雲更白葛公丹井水無紅
他年勾曲尋真去會向雲邊問小童

秋懷

秋窗昨夜秋風起百感心成一寸灰
千里雁來書未至五更垂語夢初回
地連洛汭浮雲斷山接榮陽夕照開
何日黃河航一葦中條山頂望青臺

夜月吹蕭圖

梧桐月轉欲栖鴉閑弄參差隔紫霞
彩鳳暗巢長樂樹金鸞偷語上陽花
闌料涼露霑釵玉簇仗香雲繞
羽紗吹到涼州移別調君王親爲按紅牙

南陌詞

南陌東邊楊柳枝長條拂水綠參差
行人不似枝頭絮也有無風落地時

王崇慶佑

佑字子啓泰和人元末與其兄沂隱居平川山中與辛敬萬石曠達楊士弘錙永之練高爲詩友龍鳳十一年李韓公書其名遣使者召致喪未除辭諸行省得免洪武三年舉教官至京師入見是日太史奏文星見同時

十八人皆擢御史陞廣西按察僉事三年主師平蜀徙知崇慶州坐累免官邑人請爲學訓導踰年卒無子爲人孝友端方所至鋤姦植善風概凜然沂嘗爲諸王說書徵授福建鹽運司同知才起以老罷歸太保文端公之祖也沂字子與兄弟皆有集行世潛溪鳳里皆稱之

松滋縣

最愛松滋縣清妍似故鄉碧湖浮片月紅樹著新霜見客征魚稅思兄感馬行峽州知不遠雲際疊青蒼

趙博士傲

傲字本初紹興人元氏乙亥科書經進士洪武六年授太學博士加翰林待制致仕戊戌詣闕謝賜內庫錢遣婦歸上宋濂爲序以羨之

破窗風雨圖

客窗讀書過夜半江上長風將雨來茅屋身和木葉落竹床笑對燈花開何人雞鳴解起舞此時蝶夢付啣杯我欲眠詩慰寥寂蓑笠敲門步綠苔

列朝詩集

甲集第十七

列朝詩集

甲集第十七
補詩

童較書其一首

贈丹厓隱者

吾聞零陵東有丹厓山青天削出青孱頑丹梯百丈不可得仙人煉藥果
其間丹成仙去已千載至今草木餘清寒我來吊古訪陳迹石壑側足難
躋攀上有撐雲柱日之喬松下有懸厓噴壑之驚湍幽林野鳥作人語陰
澗或有蛟龍鱗何人結屋倚蒼翠抱琴林下聽潺湲乃是丹厓仙人老孫
子少年早脫名利關祗今五十如處子雙鬢鵝壘顏丹門前種林釀春
酒屋後黃菊供朝食野猿有時來獻果木客賦詩常往還習我石上養清
蕊松花落地雲斑斑我家金華五十里失身作客天南端微書昨夜起婦
與葉舟徑下湘江灘弘文館深難置足神武門高宜掛冠山中草屋幸無
恙拂衣歸共浮雲開明年花開倘相憶把酒相望與長嘆裁書吹寄無馬
過少待遼鶴東飛遠

葉主簿子奇二首

桃花流水龍泉十八景之二

漁郎得事無藏機，桃源遂使人間知。武陵老仙亦欠事，水流却遣飛花隨。此間別有天，一片松蘿漢漢閑。煙霏外人無用問，服食胡麻飯熟蕪菁肥。

石門茅屋

蕪蘿抱石門，自中茆屋誰怕秋風高。落花芳艸共幽獨，清風白晝何蕭颯。山中無地着野馬，世間萬事如牛毛。不見崇禛貯歌舞，春風容易長蓬蒿。

胡教授奎二首

貞母阡

石門山前箭如兩，朝別良人暮爲鬼。石門山下百尺泉，一日身死哀千年。至今石門山下路人稱，烈婦馬家墓前斜日一僧婦。卽是當年十歲兒。

顯瀛洲圖

鈴索無聲盡漏稀，宮羅一色換朝衣。院門不鎖松花落，知是奎坡進講時。

顧教授祿二首

汴城有片

于分教汴之開，封適休沐餘暇與一二同志訪及故元忠襄王李公察罕。

遺跡惜其有志欲扶頽運而田鋒之刀已摧于腹中其子擴闢經營數年
僅能復山東之輝時李公思齊擁衆關西李暉專權肇創社稷之基先自
壞壞使擴闢縱有方召之才賈鄧之力中興之勢不可復振天祚皇明大
軍北伐一掃而定中原再驅而清朔漢生民安堵反寧泰平回視曩時群
雄擾擾不過爲天朝之驅除耳因各賦詩一首以紀其實云

黃河怒觸龍門裂突巖衝蛟肆妖孽伊誰首倡導洪流驅使生靈隔魚鱉
群雄盡向草澤生青袍白馬連州城當時將相撻驕懦可憐不救兵縱橫
忠義何人汴梁客隻手徒思拯沉溺大星半夜落前軍有子纔能討讎賊
關西老將軍伏雌輦側權臣藏禍機紛然內難促元運母廼社稷基先隳
鐵瓦破碎秋風早三軍盡向夷門老豈知天意屬皇明萬乘龍飛大江表
神州受命北渡江舉兵所向俱來降迨庶不生草不動直取中原爲帝邦
金宮玉殿凌空起翠華飄飄曾戾止聖皇立政務寬仁坐見瘡痍發淳美
天開地闢長清寧五風十雨年穀登書生但願報恩德萬歲千秋耿泰平

巫山高

巫山高高十二峯君王魂夢已成空上頭多少閑雲雨盡在朝朝暮暮中

貝紀善翺一首

絡緯吟

高城月白風淒淒
夜閉絡緯迎秋啼
初驚楊柳玉樓外
又過梧桐金井西
一線不斷抽寒露
宛轉猶悲歲年暮
機中少婦暗停梭
愁絕寒窓不成素

鄭貞孝淵一首

採蓮曲

梧桐轉階月如水
滿地瑤華鋪不起
誰家玉簫吹西樓
不管洛陽春色愁
吳姬蹈歌楚女舞
羅帶同心結飛組
采蓮不采葭中意
見人但道蓮心苦
鯉魚吹風紅葉秋
獨持明月上蘭舟
已陵太公三千里
情與白波天外流

列朝詩集

甲集第十七
補人

鄭枋

枋字叔車太常博士濟字仲舒之子

江南曲

妾在錢塘小江曲門前歲歲春波綠綠波涵影曉汪汪素練平鋪光一幅
垂楊十里鎖輕陰芙蓉半渚濤青靄翠雲貼水風颺颺白蘋紅蓼催早秋
天姑小姑惜芳遊朝朝擬棹江中流荷蓋斜張低覆舟見花蘊眉愁復愁
移舟西來泊花底藕花染紅蘋葉紫拾蘋猶恨根蘋無根採蓮却忘蓮多子
妾身不爲浮蘋生寧作蓮花守紅死

鄭槿

槿字叔 枋之從父兄也

擬古二首

秦箏一何哀中有淒涼音鬢鬢孤臣操咽咽發婦吟晨霜爲之寒浮雲爲
之陰聽罷復三嘆不覺淚沾襟披衣步庭臯嘉樹鳴鶯禽嗒然吾喪我情

與海水深

孤齋悄無人，絳燭夜吐芒。羽蟲忽飛來，投火欲自找。知爲明所悞，曷不豫。前光子房願，封留淮陰。喻弓藏法戒，旣昭然。昧者何茫茫，高山有白石。行當煮爲根。

鄭餘

翰字叔恭，學于宋太史，得春秋專門之博。長陵初薦，召授湖廣道監察御史，奏罷採珠之役，承樂十二年上擢，其年踰七十許，致仕。特敕禮部賜諡，陳應奉之樂，明日陞，拜賜繡衣，楮幣，敕文褒諭其教養子弟，來膺朝用。朝士自姚少師以下，皆賦詩寵行。東都祖送，近代所未有也。

寄宋仲珩三首

靈期桑下飛，青鳥海上遊。如何不同調，羽翼有短脩。故人昔相見，時時話細繆。出入念同車，無衣念同裘。一朝參商如，豈不懷百憂。初盟倘不渝，在遠情愈周。但願似疇昔，鳥用苦相求。

種梧待鸞鳳，鸞鳳不來宿。梧生日夜長，歲華如飛燄。涼風一夕厲，露葉消初綠。豈乏鸞下音，摧殘比衆木。我願裁爲琴，寄君清商曲。

叢桂在庭前與子昔同植風霜昨夜驚晨起視顏色庭樹已凋落桂枝一
何直亮節自中懷貞性非外飾對之思所親俯案不能食一日十二時萬
慮在一刻寄詩非盡言聊用明相憶

金洞

洞宇德源義鳥人幼警敏管執經許白雲之門稱入室弟子又從黃潛學
古文州縣交辟不起隱居投徒著書終老

山莊

青村溪盡處林密隱孤莊石老莓苔路門荒薜荔牆人行秋葉滑鶴立晚
松涼泊廠農歸後蓑衣挂夕陽

蜀墅頭

溪頭自舒散天淡夕陽微拂石松邊墮看雲水上飛舊磯雙鷺下小掉一
漁婦不覺吟成久苔痕欲上衣

曹教授孔章

孔章字子文湘州人湖學教授

閒齋書事

林響溪雨來蕭蕭客窗暝瑤琴倦不彈石闌晚猶凭煙深倚依樹花落風
滿逕隔岸誰誦經冷冷發清磬

題王高翰單于昭君夜坐圖

天如穹廬塞雲黑胡地寒多胡草白陰山積雪不曾消馬潼駝峰作常食
一身不幸顏如花一朝漂泊在天涯宮中不識天子面那知世有呼韓邪
銀燭煌煌照清夜咫尺腥膻雜蘭麝強含嬌笑對羶裘啼痕暗裏秋雲把
單于未醉酒頻傾琵琶不彈陽斷聲誰知萬里多情月只與昭陽一樣明